

求生不得求死不得鬼神持之甚急佛見之

如是哀愍念之因問耶祇若今者當云何耶

祇口噤不能復語但舉手自搏從佛求哀佛

便放威神鬼神皆怖而走耶祇便得蘇息更

起叩頭前白佛言我心中有是五賊牽我入

惡罪中出是惡言今受其罪自我所爲違負

佛言願佛哀我佛言自若心口所爲當咎阿

誰耶祇白佛言從今日以往當自改更奉持

五戒歲三齋月六齋燒香然燈供事三尊身

口意不敢復犯佛言如是大善自若眼目所

見身體所更自作自得作善得善心念不善

得不善佛者法中之師教人去惡爲善後長

得度脫諸天及人民愚癡者皆使智慧不更

勤苦從今已往改更修善莫得聽心意所爲

誤人之本佛說經已耶祇心意開解即得須

陀洹道歡喜而去耶祇歸家即勑舍中大小

皆詣佛所受五戒歲三齋月六齋耶祇便捨

家剃頭鬚被袈裟從佛作沙門遂得阿羅漢

道

佛說耶祇經

竟八

聞如是一時佛在舍衛國祇樹給孤獨園與

千二百五十比丘俱時有國王号曰末羅土

地豐沃士民壯勇其國中有方石周旋數十

里當於王道群臣共義啓王徙石王便料選

國內凡得九億人令掘徙石乃歷年月土民

疲極不能動石佛念人民愚癡空自勤苦而

石不移即呼阿難與俱往如彈指頃便到其

竟八

國佛時作沙門彼服住於石邊謂人民言用

何故掘徙此石初無應者如是至三人民恚

言我掘此石勤苦經年卿何等人反來問我

各自委去佛即時笑以足指挑石手受之挑

置空中後以手受住之於他佛便放光明現

相好九億人見佛威神莫不震悚皆叩頭言

宋居士沮渠京聲譯

吾等愚癡不別真僞將何神天佛言我是佛也人民問言佛用何等力能舉此石荅言我以四力舉此石何等爲四一爲精進力二爲忍辱力三爲布施力四爲父母力何等爲精進力謂不殺盜婬欺廣陳經法開導人物未曾懈怠是爲精進力何等爲忍辱力敢有殘

害毀辱加惡於我我心如地無所不受是爲忍辱力何等爲布施力謂以國土珍寶妻子頭眼悉以施人意無恨悔是爲布施力何等爲父母力謂受父母身體哺乳育養之恩或從地積珍寶上至二十八天悉以施人不如供養父母是爲父母力人民復問言盡復有何等力佛言復有四力何等爲四謂生老病死是爲四力復問言佛當常住於世不佛言我亦當般泥洹人民言佛乃神聖相好金色當出希有猶尚般泥洹何況我曹王及臣民九億人同時意解乞受五戒十善歸命三尊結解垢除即得須陀洹道阿難正衣服爲佛

佛說末羅王經

竟八

佛說摩達國王經

朱居士沮渠京聲譯

聞如是一時佛在羅閱祇竹園中與千二百五十比丘俱時有國王號名摩達王時當出軍征討選國中人民數百萬人皆應赴從時有比丘已得羅漢道到其國分衛並見錄將詣王宮門王有馬監令比丘養視官馬勤苦七日王後身自臨視軍陣比丘見王即於其前輕舉飛翔上住空中現其威神王便恐怖叩頭悔過我實愚癡不別真僞推問國內誰